



## ՄԻՆԶԵՎ ՏԵՂԱՄԱՍԱՅԻՆ ԿԵՆՏՐՈՆԻ ԲԱՑՈՒՄԸ

**Քվեարկության օրը ժամը 7:00-8:00**



**Տեղամասային ընտրական հանձնաժողովի  
գործողությունների հաջորդականություն**

- ☐ ստուգել չհրկիզվող պահարանին սոսնձված թղթի ամբողջականությունը և ուստիականության ծառայողներից ընդունել պահարանը.
- ☐ գրանցամատյանում լրացնել չհրկիզվող պահարանն ընդունելու մասին արձանագրությունը.
- ☐ իրականացնել վիճակահանություն հանձնաժողովի անդամների գործառույթներն ու դրանց հերթափոխը որոշելու համար.
- ☐ վիճակահանության արդյունքները գրանցել գրանցամատյանում.
- ☐ տեղամասային ընտրական հանձնաժողովի նախագահի հանձնարարությամբ մասնագետը սահմանված կարգով ստուգում է տեխնիկական սարքավորման աշխատանքը, մուտքագրում ընտրական տեղամասի նույնականացման տվյալները (մասնագետի կողմ) և տպում է տվյալ տեխնիկական սարքավորման միջոցով գրանցված ընտրողների բացակայությունը հավաստող տեղեկանք.

☒ եթե տեղամասային ընտրական հանձնաժողովում օգտագործվում են մեկից ավելի տեխնիկական սարքավորումներ, ապա յուրաքանչյուր մասնագետ ստուգում է իր կողմից սպասարկվող սարքավորման աշխատանքը և տպում է տվյալ տեխնիկական սարքավորման միջոցով գրանցված ընտրողների բացակայությունը հավաստող տեղեկանքը.

☐ գրանցված ընտրողների բացակայությունը հավաստող տեղեկանքը (տեղեկանքները) սոսնձել գրանցամատյանում.

☐ բացել չիրկիզվող պահարանը.

☐ հանել հանձնաժողովի անդամների անհատական կնիքները և հանձնաժողովի յուրաքանչյուր անդամին հանձնել նախորդ օրվա վիճակահանությամբ իրեն տրամադրված անհատական կնիքը.

☐ հանել հանձնաժողովի կնիքը, գրանցամատյանում կնիք դնելով՝ հայտարարել կնիքի համարը.

☐ ստուգել քվեատուփի դատարկ լինելը (բարձրաձայն հայտնել այդ մասին), և մինչև փակելը այն ցուցադրել նիստին ներկա գտնվելու իրավունք ունեցող անձանց.

☐ փակել, հատուկ կապիչներով և ինքնասոսնձվող ժապավեններով կնքել քվեատուփը.

☐ համամասնական ընտրակարգով ընտրությունների ժամանակ հանել յուրաքանչյուր կուսակցության, կուսակցությունների դաշինքի հարյուրական փաթեթներով քվեաթերթիկները (մեծամասնական ընտրակարգի դեպքում՝ հարյուրական փաթեթով քվեաթերթիկները) և մեկ փաթեթ քվեարկության ծրար (հարյուր հատ) ու հանձնել քվեաթերթիկներ և քվեարկության ծրարներ հատկացնող հանձնաժողովի անդամին (անդամներին)։

☐ հանել ընտրողների ցուցակները և հանձնել ընտրողների գրանցման համար պատասխանատու հանձնաժողովի անդամին (անդամներին)։

☒ տեխնիկական սարքավորումը չաշխատելու կամ չլինելու դեպքում պահարանից հանել համարակալված կտրոնները և հանձնել ընտրողների գրանցման համար պատասխանատու հանձնաժողովի անդամին (անդամներին)։

 **Միաժամանակ մեծամասնական ընտրակարգով համայնքի ղեկավարի և ավագանու անդամի ընտրություններ անցկացնելու դեպքում հանձնաժողովին ինքնասուսնծվող դրոշմանիշերը տրամադրվում են հաշվի առնելով յուրաքանչյուր ընտրության (համայնքի ղեկավարի և ավագանու անդամի) համար ընտրողների թիվը՝ կլորացված դեպի վեր՝ մինչև մոտակա հարյուրյակը։ Այդ դրոշմանիշերն ունեն նույն տեսքը։**

□ հանել հարյուր ինքնասոսնձվող դրոշմանիշ և հատկացնել ինքնասոսնձվող դրոշմանիշ փակցնող և քվեատուփի համար պատասխանատու հանձնաժողովի անդամին և գրանցամատյանում կատարել համապատասխան գրառում.

□ եթե միաժամանակ անցկացվում են համայնքի ղեկավարի և ավագանու անդամի քվեարկություններ, ապա յուրաքանչյուր ընտրության համար հատկացնել հարյուրական ինքնասոսնձվող դրոշմանիշ:

## ՈՒՇԱԴՐՈՒԹՅՈՒՆ

□ **համամասնական ընտրակարգով** ընտրությունների ժամանակ յուրաքանչյուր կուսակցության, կուսակցությունների դաշինքի քվեաթերթիկներից՝ 3-ից 5 քվեաթերթիկ գցել քվեարկության խցիկներում տեղադրված չօգտագործված քվեաթերթիկների արկղի մեջ և ստուգել, որ քվեարկության խցիկներում գրիչներ դրված չլինեն:

## ՈՒՇԱԴՐՈՒԹՅՈՒՆ

-  Նշված բոլոր գործողությունները կատարվում են այն հաշվով, որպեսզի ժամը 8:00-ի դրությամբ կատարված և ավարտված լինեն:
-  Հանձնաժողովի նախագահը ժամը 8:00-ին բարձրաձայն հայտարարում է քվեարկության սկիզբը և թույլատրում ընտրողների մուտքը քվեարկության սենյակ:
-  Տեղամասային կենտրոնը բացվելուց հետո հանձնաժողովի նախագահը անմիջապես տեղեկացնում է ընտրատարածքային ընտրական հանձնաժողովի նախագահին տեղամասը բացված լինելու մասին:

## ▼ ՔՎԵԱՐԿՈՒԹՅԱՆ ԸՆԹԱՑՔՈՒՄ

- ▶ մինչև ժամը 11.30-ը, 14.30-ը, 17.30-ը և 20.30-ը ընտրատարածքային ընտրական հանձնաժողով է հաղորդվում համապատասխանաբար մինչև ժամը 11.00-ն, 14.00-ն, 17.00-ն և 20.00-ն տվյալ ընտրական տեղամասում քվեարկությանը մասնակցած ընտրողների թիվը.
- ▶ հաղորդված թվերը գրառվում են նաև տեղամասային ընտրական հանձնաժողովի գրանցամատյանում:



## ՏԵՂԱՄԱՍԱՅԻՆ ԿԵՆՏՐՈՆԻ ՓԱԿՈՒՄ



Տեղամասային ընտրական հանձնաժողովի  
գործողությունների հաջորդականություն

- ☐ Ժամը 20:00-ին հայտարարել քվեարկության  
ավարտի մասին.
- ☐ արգելել ընտրողների մուտքը քվեարկության  
սենյակ.
- ☐ քվեարկության սենյակում գտնվող ընտրող-  
ներին տալ քվեարկելու հնարավորություն.
- ☐ փակել քվեատուփի ճեղքը.
- ☐ փակել տեղամասային կենտրոնը.
- ☐ **մինչև ժամը 20:30** ընտրատարածքային  
ընտրական հանձնաժողով հաղորդել  
տեղամասում քվեարկության մասնակիցների  
թիվը:



## ՔՎԵԱՐԿՈՒԹՅԱՆ ԱՐԴՅՈՒՆՔՆԵՐԻ ԱՄՓՈՓՈՒՄ



**Տեղամասային ընտրական հանձնաժողովի  
գործողությունների հաջորդականություն**

- ☐ փաթեթավորել հանձնաժողովի անդամների անհատական կնիքները.
- ☐ անհատական կնիքների փաթեթը կնքել, ստորագրել և տեղադրել ընտրական փաստաթղթերի մեծ պարկում.
- ☐ ընտրողների հիմնական ցուցակում ընտրողների ստորագրությունների հիման վրա հաշվել քվեարկության մասնակիցների թիվը, բարձրաձայն հրապարակել և արձանագրել գրանցամատյանում.
- ☐ եթե առկա է՝
  - ☐ քվեարկության օրն ընտրական տեղամասում կազմված լրացուցիչ ցուցակ,

ապա, ընտրողների լրացուցիչ ցուցակներում ընտրողների ստորագրությունների հիման վրա հաշվել լրացուցիչ ցուցակով քվեարկության մասնակիցների թիվը, բարձրաձայն հրապարակել և արձանագրել գրանցամատյանում.

- ☐ բոլոր ցուցակների ստորագրությունների թվերը գումարել, գումարը բարձրաձայն հրապարակել որպես քվեարկության մասնակիցների ընդհանուր թիվ և գրառել գրանցամատյանում.
- ☐ եթե տեխնիկական սարքավորումն անխափան աշխատել է քվեարկության ընթացքում, ապա տեխնիկական սարքավորման միջոցով տպել ավարտական տեղեկանք.
  - ☒ տեղեկանքը տպելու անհնարինության դեպքում այդ մասին համապատասխան գրառում կատարել գրանցամատյանում.
- ☐ տեղեկանքի մեկ օրինակը, ստորագրված տեղամասային ընտրական հանձնաժողովի նախագահի կողմից և կնքված հանձնաժողովի կնիքով, տեղադրել ընտրական փաստաթղթերի մեծ պարկում.
- ☐ տեղեկանքի մեկական օրինակ, ստորագրված հանձնաժողովի նախագահի կողմից և կնքված հանձնաժողովի կնիքով, պահանջի դեպքում տրամադրել ամփոփման նիստին ներկա գտնվող թեկնածուներին, դիտորդներին և վստահված անձանց.



☐ ընտրողների հիմնական ցուցակը, եթե առկա է նաև

☒ քվեարկության օրն ընտրական տեղամասում կազմված լրացուցիչ ցուցակը

**տեղադրել առանձին մեկանգամյա օգտագործման փոքր պարկում.**

☐ տեղամասային ընտրական հանձնաժողովի նախագահը և քարտուղարը ստորագրում են փոքր պարկի վրա, հանձնաժողովի նախագահը կնքում է հանձնաժողովի կնիքով և վրան գրում ընտրական տեղամասի համարը.

☐ հաշվել ընտրողներից ստացված տեխնիկական սարքավորման միջոցով տպված կտրոնները, փաթեթավորել, փաթեթը կնքել և տեղադրել մեծ պարկում, թիվը գրառել գրանցամատյանում.

☐ հաշվել ընտրողներից ստացված համարակալված քվեարկության կտրոնները, փաթեթավորել, փաթեթը կնքել և տեղադրել մեծ պարկում, թիվը գրառել գրանցամատյանում.

☐ գումարել ընտրողներից ստացված տեխնիկական սարքավորման միջոցով տպված և ընտրողներից ստացված համարակալված քվեարկության կտրոնների թվերը և գումարը որպես քվեարկության

մասնակիցներից ստացված քվեարկության կտրոնների ընդհանուր թիվ գրառել գրանցամատյանում.

☐ հաշվել չօգտագործված ինքնաստանձվող դրոշմանիշերը, փաթեթավորել, փաթեթը կնքել և տեղադրել մեծ պարկում, թիվը լրացնել գրանցամատյանում.

☐ հաշվել չօգտագործված համարակալված քվեարկության կտրոնները, փաթեթավորել, փաթեթը կնքել և տեղադրել մեծ պարկում, թիվը լրացնել գրանցամատյանում.

## **ՈՒՇԱԴՐՈՒԹՅՈՒՆ**

 **Համարակալված քվեարկության կտրոնները չօգտագործվելու դեպքում դրանք չեն հաշվվում, և նշվում է ընտրատարածքային ընտրական հանձնաժողովի հարկացրած կտրոնների թիվը:**

 **Միաժամանակ համայնքի ղեկավարի և ավագանու անդամի մեծամասնական ընտրակարգով ընտրությունների դեպքում առաջին հերթին ամփոփվում են համայնքի ավագանու ընտրության քվեարկության արդյունքները:**



## ՔՎԵԱԹԵՐԹԻԿՆԵՐԻ ՏԵՍԱԿԱՎՈՐՈՒՄ



### Բացել քվեատուփը

- ☐ քվեատուփից հանել քվեարկության մեկ ծրար.  
 *ավելորդ գրառում պարունակող քվեարկության ծրարի դեպքում քվեաթերթիկը ծրարից չհանել, քվեարկության ծրարը դրանում գտնվող քվեաթերթիկի հետ անհապաղ մարել.*
- ☐ **հանել** քվեաթերթիկը ծրարից.
- ☐ բարձրաձայն **հայտարարել** քվեաթերթիկի սահմանված կամ չսահմանված նմուշի լինելու մասին.
- ☐ սահմանված նմուշի քվեաթերթիկի դեպքում **հայտարարել** վավեր կամ անվավեր լինելու մասին.

### ՈՒՇԱԴՐՈՒԹՅՈՒՆ

-  սահմանված նմուշի քվեաթերթիկն **անվավեր է** նաև, եթե ծրարում, քվեաթերթիկից բացի, առկա է այլ իր:
- ▼ **եթե ծրարում, քվեաթերթիկից բացի, առկա է այլ իր, ապա քվեաթերթիկը մարվում է ծրարի և ծրարում առկա իրի հետ այնպես, որ վերահաշվարկի ժամանակ հնարավոր լինի հաստատել իրի առկայությունը:**
- ▶ Այդ մասին կատարվում է համապատասխան գրառում գրանցամատյանում:

☐ վավեր քվեաթերթիկի դեպքում բարձրաձայն **հայտարարել** նաև կուսակցության, կուսակցությունների դաշինքի անվանումը.

☐ մեծամասնական ընտրակարգի դեպքում՝ համայնքի ղեկավարի կամ ավագանու անդամի թեկնածուի ազգանունը, անունը, հայրանունը.

☐ քվեաթերթիկը **ցուցադրել** այնպես, որ այն տեսանելի լինի ներկաների համար.

☐ քվեաթերթիկը դնել համապատասխան կուսակցության, կուսակցությունների դաշինքի,

☐ իսկ մեծամասնական ընտրակարգի դեպքում՝ համայնքի ղեկավարի կամ ավագանու անդամի համապատասխան թեկնածուի

օգտին քվեարկած քվեաթերթիկների փաթեթի մեջ.

**Այս գործողությունները կրկնվում են  
քվեատուփում առկա բոլոր ծրարների և  
քվեաթերթիկների համար**

☐ **հաշվել** յուրաքանչյուր կուսակցության, կուսակցությունների դաշինքի, իսկ մեծամասնական ընտրակարգի դեպքում՝ համայնքի ղեկավարի կամ ավագանու անդամի օգտին քվեարկված քվեաթերթիկները, թվերը բարձրաձայն հայտարարել և արձանագրել գրանցամատյանում.

- ☐ **հաշվել** անվավեր քվեաթերթիկները, թիվը բարձրաձայն հայտարարել և արձանագրել գրանցամատյանում.
- ☐ **փաթեթավորել** անվավեր քվեաթերթիկները, փաթեթը կնքել և տեղադրել փաստաթղթերի մեծ պարկում.
- ☐ **փաթեթավորել** կողմ քվեարկած քվեաթերթիկներն առանձին փաթեթներում:

***Յուրաքանչյուր փաթեթի (ծրարի) վրա նշել դրա պարունակությունը:***

- ➡ քվեարկության ծրարները (ինչպես քվեատուփից հանված, այնպես էլ չօգտագործված),
- ➡ չսահմանված նմուշի քվեաթերթիկները,
- ➡ ընտրողներին չտրամադրված, ինչպես նաև ընտրողի կողմից չօգտագործված քվեաթերթիկները

***չեն հաշվարկվում, հաշվի չեն առնվում արդյունքներն ամփոփելիս, փաթեթավորվում են առաձին փաթեթներում և այն առանց մեծ պարկի մեջ տեղադրելու, ներկայացվում են ընտրապարածքային ընտրական հանձնաժողով:***

# 5

## ԱՐՁԱՆԱԳՐՈՒԹՅԱՆ ԵՎ ՔԱՂՎԱԾՔԻ ԿԱԶՄՈՒՄ

**Հիմք ընդունելով կադարված հաշվարկները և գրանցամատյանում արձանագրված տվյալները, տեղամասային ընտրական հանձնաժողովը կազմում է տեղամասում քվեարկության արդյունքների արձանագրություն և այդ արձանագրությունից քաղվածք:**

**Արձանագրությունը և քաղվածքը պետք է կազմել ոչ ուշ, քան քվեարկության ավարտից 12 ժամ հետո:**

**Արձանագրությունը կազմվում է 4 օրինակից**

- ✓ Արձանագրությունները ստորագրում են հանձնաժողովի նախագահը, քարտուղարը և անդամները.
- ✓ Հանձնաժողովի նախագահը կնքում է արձանագրությունների 4 օրինակները.
- ✓ Հանձնաժողովի անդամը պարտավոր է ստորագրել արձանագրությունը:
- ✓ Եթե հանձնաժողովի անդամն արձանագրության տվյալների վերաբերյալ ունի առարկություն (հատուկ կարծիք), ապա այդ մասին գրառում է կատարում արձանագրությունում՝ դրա համար նախատեսված հատուկ տեղում:



## ՈՒՇԱԴՐՈՒԹՅՈՒՆ

Արձանագրությունը ստորագրվում է միայն բոլոր տվյալները լրացնելուց հետո:



**Արգելվում է** նախապես ստորագրել քվեարկության արդյունքների արձանագրության ձևաթղթերը:

### Արձանագրության 4 օրինակից՝

- ☐ **մեկ** օրինակը փակցվում է տեղամասային կենտրոնում՝ ընտրողների ցուցակների կողքին,
- ☐ **մեկ** օրինակը տեղադրվում է ընտրական փաստաթղթերի պարկում.
- ☐ **երկու** օրինակը ներկայացվում է տարածքային ընտրական հանձնաժողով:



## ՈՒՇԱԴՐՈՒԹՅՈՒՆ

Արձանագրությունը կազմելուց հետո հանձնաժողովը լրացնում է քվեարկության արձանագրությունից քաղվածի 1 օրինակ, որը ստորագրվում է հանձնաժողովի նախագահի և քարտուղարի կողմից և առձեռն ներկայացվում է ընտրատարածքային ընտրական հանձնաժողով:

Տեղամասային ընտրական հանձնաժողովում ներկա լինելու իրավունք ունեցող անձանց պահանջով նրանց տրամադրվում է ընտրական տեղամասում քվեարկության արդյունքների արձանագրությունից քաղվածք՝ վավերացված հանձնաժողովի նախագահի և քարտուղարի ստորագրություններով և հանձնաժողովի կնիքով:



**Հանձնաժողովի նախագահը և քարտու-  
ղարը քվեարկության ավարտից հետո  
ոչ ուշ, քան 14 ժամվա ընթացքում  
ընտրատարածքային ընտրական հանձնա-  
ժողով են ներկայացնում՝**

- ☐ ընտրական փաստաթղթերի մեկանգամյա օգտագործման մեծ պարկը,
- ☐ ընտրողների ցուցակների փոքր պարկը,
- ☐ քվեարկության արդյունքների արձանագրության 2 օրինակը,
- ☐ քվեարկության արդյունքների արձանագրու-  
թյունից քաղվածքի 1 օրինակը,
- ☐ հանձնաժողովի գրանցամատյանը,
- ☐ հանձնաժողովի կնիքը,
- ☐ տեխնիկական սարքավորումները և մյուս  
պարագաները,
- ☐ չօգտագործված քվեաթերթիկները,
- ☐ քվեատուփից հանված քվեարկության  
ծրարները,
- ☐ չօգտագործված քվեարկության ծրարները,
- ☐ քվեատուփը,
- ☐ քվեարկության խցիկները: